



UNIVERSITÄTS-  
BIBLIOTHEK  
PADERBORN

# **Universitätsbibliothek Paderborn**

**Ivdex Magistratvs Senator**

**Zype, Franciscus van der**

**Antverpiæ, 1633**

Cap. X. Æquus.

**urn:nbn:de:hbz:466:1-14280**

## CAPVT X.

## Æquus.

1.  
Bono ac æquo nō calido iure iudicantis.  
**I**Vstus Iudex ut semper sit, æquum esse oportet. ad æquitatē pertinet ex æquo & bono, non ex callido versutoque jure rem iudicare. scriptum sequi calumniatoris est: boni Iudicis voluntatem scriptoris, auctoritatemque defendere. Cicero pro Cecinna, *Summum ius summa iniuria*. quomodo dicit Eccles. c. 7. *Noli esse iustus multum, neque plus sapias quam necesse est.* Nimia subtilitas æquitati naturali contraria est. quā præcisæ actionum, institutionum, legatorum antiquæ formulæ l. 14. D. de diuersi. & tempor. præscript. Neque tamen lenitas nimia sub umbra æquitatis introducenda est. quomodo Celsus furtum infantis in adolescentiam usque retenti putauit multandum duplo, existimationis non infantis, quod remissus, sed adolescentis, quod Reip. salutarius, ad puniendum crimen perseuerantiā auctum. l. 67. §. 2. D. de furt. & Vlp. l. 11. D. de pœn. intempestiuè misericordiam exercere dolo proximum censet. sic & Marcian. adulteram dimissam, sed receptam quamuis verbis legis Iuliæ non comprehendatur, tamen dicendum est, inquit, l. 33. §. 1. D. ad l. Iul. de adult. ut teneatur, ne fraus fiat. voluntas enim legis præ verbis amplectenda est, eiusque ratio, quæ illius anima est. ita ut in quibus ea non spirat, in iis non viuat lex. quomodo Vlp. in castro temperat legem, quæ patrono infligit pœnam à liberto iusurandū exigente, quo nuptiis renunciet. l. 6. §. 2. de iure iur.

2.  
Non iura tamen scripta equita- tis obtenu- subuentis.  
 Manifesta tamen ea sit oportet, non quæ aliquid ambigu retineat. quomodo Vlp. in l. 1. §. 3. D. de minorib. constitutam in minoribus curatela ob iuvenilem imprudentiam, eis non remitti afferit, quamvis bene rem suam gerentibus. & Imperator ei, qui ad ætatem quā testamentum condere licet, peruererat, non ideo à constituto iure recedendum putauit, quod nondum vigoris emersissent vestigia; quia hæ causæ obscuræ sunt, & in singulis disputationem præberent, & litium seminariū. quando *satus est à paucis etiam iustum excusationem non accipi, quam ab omnibus aliquid tentari.* Seneca l. 7. de beneficiis c. 16. Cæterum & Papinianus in l. 102. D. de condit. non tantum interpretando, sed & supplendo subtiliter voluntatem testantis, æquitatem secutus est, excluso substituto, suppletâ conditione, ex naturali aui voto non relictorum liberorum. Vnde liquet

quet non omnem etiam subtilitatem ab æquitate excludi. vt exemplis exsequitur Thulden. l. 2. de causis corr. Ind. c. 10. totique æquitati finium equum modum dicit c. 7. & seq. usque 19. alioquin iam artem iuris prudentiae abstuleris, sed acutas tantum arcet ineptias. etenim si arti repudium mittimus, cum naturaliter homines ad dissentendum sint proclives, nulla erit regula, quæ equitas definiatur, sed pro omni iure vix dum ab intellectu rustico remoto erit opinio iudicantis, quantus gratificationi & sordibus campus aperietur, quantum iudiciorum chaos! videmus id ubi omnia fidei controversa soli priuato cuiusque spiritui subiiciuntur, nullo altero iudice admisso; in quo seetas homines sunt dissecti! peius sane adhuc cum iure ageretur, ubi minor à materia inheret religio, vel scrupus. Non ergo Iudices, non Æquitas ipsa legibus est soluta, quatenus illis assidere dignatur. Quatenus autem assidet supremis Principibus, eorumve conciliis, quibus id specialiter illi committunt, quorum partes sunt, aliquando altiores, publicaque intueri, & causas sequi. neque numquam, neque tamen semper legibus solui permittit, earumque severitati clementiam subrogat. *qua de re alibi.* Quibus tamen omnibus illud perpetuo commendatum esse oportet, vt pro dictamine sincero conscientię veram equitatem, non palliatam considerent. *ne forte,* inquit Iustus Iudex Ierem. c. 21. 22. egrediatur vt ignis indignatio mea, & succendatur, vt non sit qui extinguat, propter malitiam studiorum vestrorum. ea enim est malitia studiorum, que ab alia causa mouetur, quam simulat. ab hac cauere debent, qui casum pro amico formant; qui iram, odium, aliaque animi vitia patiuntur.

## C A P V T. XI.

## Fortis.

**A**ltorum Dei Iudicis elogium est *Fortis.* est pro suo modo hominis Iudicis. Noli fieri Iudex, si non valeas virtute irrumpere iniquitates. Eccles. 7. ne forte extimescas faciem potentis, & ponas scandalum in equitate tua.

*Fortitudo que vel in bello tuetur à barbaris patriam, vel domi defendit infirmos, vel à latronibus socios, plena justitia est. c. fort. 23. q. 3.* ita coniungit, comparatque supremus ille politico-Christianus auctor bellicam fortitudinem, & ciuilem; ob quam plerumque inimicitiae subeundæ sunt; sèpè obtrectationes. Nec